

nella & mollia sunt, at aquâ exempta durantur, ut coraliū, succinum. Sed fallitur, & autoritate veterum decipitur. Generosus enim Dominus, Johannes Baptista de Nicole, Eques Marsiliensis, & Regius piscationis coralliorū, in regno Thunetano, Præfectus, certò mihi confirmavit: quòd cum anno M. D. LXXXV, mense Julio, in mari Bizertino, regni illius Thunetani, piscationē instituisset: cupiditate naturæ coralliorum investigandæ inductus, juvenem, funibus sufficienter longis, alligatum, & pondere viginti quinque librarum, in utraque manu, ad descensum tutiorem & commodiorem, libratum, in mare istud, centum perticas profundum, demiserit; ipsiq; in mādatis dederit; coraliū evelleret, & inter evellendum, curiosè attenteq; observaret; an molle, durumvé esset. Qui, ubi rursus adscendisset; utrâq; manu coraliiratum attulerit, constanterq; adseruerit: illud non minùs sub mari; quàm supra illud, durum esse; & se, cum ad octo perticas, aut circiter, prope fundū maris, adpulisset, magnam ibi frigoris vim sensisse. Imò, quòd ipsemet etiam, cum relationi istius fidem adeò non haberet, in mare, cum retia, quibus coralia piscari solent, extrahenda essent, antequam in ipsum aerem efferrentur, ad pro-